

## Pagpangitag Pagpabuhi

### ADLAW 7 — PAG-AMPO SA MGA SAAD SA DIOS

“Pangayo, ug kamo pagahatagan; pangita, ug kamo makakaplag; pagtuktok, ug kamo pagaablihan” (Mateo 7:7).

#### Dili Katuohan Nga Mga Kadaugan Mahimong Poseble

Si Jesus nagtubos kanato “aron nga pinaagi kang Cristo Jesus ang panalangin kang Abraham mahiadto sa mga Gentil, aron nga pinaagi sa pagtoo kita makadawat sa gisaad nga Espiritu” (Galatia 3:14). Apan unsaon nato sa pagtukod og pagtoo diha kon unsay Iyang gisaad? Unsaon nga kinahanglan kita mag-ampo aron kita makasiguro nga mapuno sa Balaang Espiritu? Giunsa sa usa ka napabuhi nga kasingkasing sa pagpangulo ngadto sa tinuod nga kinabuhi nga Cristohanong kahamtung?

Alang sa daghang katuigan nahibalo ako mahitungod sa usa ka naandan nga debosyon nga ginganlan og “nagaampo sa mga saad,” apan sulod sa hataas nga panahon wala na ako naghimo niini. Sa dihang natuki ko ang ang mga panalangin sa pag-ampo sa mga saad sa Dios, buot ko ipahat sa uban. Pipila ka tuig ang nakalabay nagsulat ako og usa ka libro nga gitawag of *Steps to Personal Revival*, nga nagalakip og usa ka kapitulo mahitungod giunsa ang pag-ampo sa Kasulatan mao ang praktikal nga Cristohanong kasinatian. Pipila ka mga magbabasa nagpadala niini nga mga testimonyas:

“Wala ako maghunahuna nga ako makakaplag og bag-ong kahibalo mahitungod sa pag-ampo—pag-ampo nga nasukad sa mga saad sa Dios, sigon sa imong pagsaysay. Sa kasamtangan nga panahon, ang Dios naghatag kanakog mga kadaugan diha sa akong kinabuhi nga wala nako mahunahunai nga poseble.”

“Sukad nga akong nakat-onan sa pag-ampo uban ang mga saad, ang akong kinabuhi nausab. . . . Ang akong asawa nakamatikod og usa ka hingpit nga kausaban sulod kanako. Usab, ako nakurat sa akong kaugalingon.”

#### Sulayi Kini sa Inyong Kaugalingon

Unsay kahulogan sa pag-ampo uban sa mga saad? Kita mopili og usa ka saad sa Biblia o sugo ug mag-ampo alang niadatang mga pulong balik sa Dios. Kita nagasandig Kaniya sa pagbuhat sigon sa Iyang gisaad. Pasagdan nato Siya sa paggiya sa atong mga pag-ampo ug sa pagsulti kanato pinaagi sa Iyang Pulong. Ug kon kita mobati og duhaduha—sigon nga ang matag usa may mga panahon sa pagduhaduha—ginatumbok nato ngadto sa mga saad ug angkonon kini ingon nga personal nga kasigurohan. Samtang kita magapuno sa atong mga kasingkasing ug mga pag-ampo sa Kasulatan, ang atong pagtoo makusgan ug kita mahibalo sa hunahuna sa Dios dili ingon sa una. Si Ellen White nagasulat, “Sa pagpala sa mga saad sa Dios gikan sa Pulong mahisama sa pagpala sa adlaw gikan sa panganod. . . . Ang Dios nagbutang sa mga saad diha sa Iyang Pulong sa pagpangulo kanato sa pagbaton og pagtoo diha Kaniya. Niini nga mga saad Siya nagawakas sa kurtina gikang sa eternidad” (*My Life Today*, p. 338).

Ang Biblia nagatanyag og klaro nga giya alang sa atong mga pag-ampo. Una, kita giasoyan sa paghimo sa atong mga hangyo diha sa ngalan ni Jesus: “Kon pinaagi sa akong ngalan mangayo kamog bisan unsa, kini akong pagabuhaton” (Juan 14:14). Ang Dios usaba nagahatag og usa ka tinibuok nga saad nga Siya magatubag sa mga pag-ampo nga pinasikad sa Iyang kabubut-on: “Ug ang atong nabatonang pagsalig kaniya mao kini: nga kon mangayo kitag bisan unsa sumala sa iyang kabubut-on, siya magapatalinghug gayud kanato. Ug kon ugaling nasayud man kita nga siya magapatalinghug gayud kanato bisan unsay atong pangayoon, nan, kita nasayud nga ato nang nabatonan ang pagapangayoon ta kaniya” (1 Juan 5:14, 15). Ang Dios nagapadayag sa Iyang kabubut-on diha sa mga sugo ug mga saad sa Biblia, ug kita makasalig Kaniya sa pagbuhat unsa Iyang gisaad. Ang bersikulo 15 nagaingon: “Ug kon ugaling nasayud man kita nga siya magapatalinghug gayud kanato bisan unsay atong pangayoon, nan, kita nasayud nga ato nang nabatonan ang pagapangayoon ta kaniya.”

Unsay buot ipasabot niana? Sa dihang kita mag-ampo alang sa usa ka butang nga nahibal-an nga pinasikad sa kabubut-on sa Dios, Siya nagtubag nang daan sa susama nga gutlo. Mahimong dili pa nato makita ang mga resulta. Ug sagad dili nato mamatikdan ang bisan unsang butang pinaagi sa pagbati. Apan ang atong mga pag-ampo ginatubag pinaagi sa pagtoo, dili pinaagi sa atong mga pagbati. Ang mga pagbati mosunod human niana, apan sa pagkaron, kita nagasalig sa saad.

Sama pananglit, ako nakakat-on og pipila ka butang sa dihang nagaampo uban sa katawhan nga naadik sa ilimnon ug sigarilyo. Sa gutlo nga sila nag-ampo og kaluwasan, sila mahimong walay namatikdan nga bisan unsang butang. Sila kinahanglan magdawat sa kaluwasan pinaagi sa pagtoo. Apan tingali pipila ka mga oras gikan niadto sila makamatikod nga sila wala nay pangandoy alang sa pag-inom o pagtabako. Niining gutloa, sila nakadawat sa praktikal nga kaluwasan nga gihangyo diha sa pag-ampo.

Si Ellen White usab nagatanyag og mga alinghuna sa mga saad. "[Ang Dios] mahimuot kaayo sa dihang sila maghimo sa labing taas nga panginahanglan Kaniya, nga sila makahimaya sa Iyang ngalan. Sila mahimong magdahum og dagkung mga butang kon sila adunay pagtoo diha sa Iyang mga saad" (*The Desire of Ages*, p. 668). "Pangalyupo sa Balaang Espiritu. Ang Dios motuman sa matag saad nga Iyang gisaad. Uban sa Biblia sa imong mga kamot magaingon, Akong gituman sigon sa Imong giingon. Akong gilata ang Imong saad, 'Pangayo, ug kini igahatag kanimo; pangita, ug ikaw makakaplag; panuktok, ug kini pagaablihan kanimo' (Mateo 7:7)" (*Christ's Object Lessons*, p. 147).

Si Jesus nagasaad, "Busa sultihan ko kamo, nga bisan unsay inyong pangayoon pinaagi sa pag-ampo, toohi nga inyo na kini nga nadawat, ug kamo magadawat niini" (Markos 11:24). Ikaw ba nagaampo sa Iyang mga saad matag adlaw? Sa dihang kita nagaampo diha sa Iyang ngalan ug sumala sa Iyang kabubut-on, ang tanang kalangitan mairug!

## **Pag-ampo sa Pulong sa Dios**

### **Ang Dios nagahulat sa paghatag kanato sa Balaang Espiritu.**

"Busa, kon kamo, bisan sa inyong pagkadautan, mahibalo man ganing mohatag ug mga maayong gasa ngadto sa inyong mga anak, unsa pa gayud ka labaw pa sa langitnong Amahan nga mohatag sa Espiritu Santo ngadto sa mga nagapangayo kaniya!" (Lucas 11:13).

"Ug siya nagsulti niini labut sa Espiritu nga pagadawaton sa mga misalig kaniya; kay ang Espiritu wala pa man ikahatag, sanglit niadtong tungora si Jesus wala pa man himayaa." (Juan 7:39).

"Ug kami maoy mga saksi niining mga butanga, ug maingon man ang Espiritu Santo nga gihatag sa Dios kanila nga mga nagasugot kaniya" (Buhat 5:32).

*Amahan, kami nakabasa nga Ikaw mohatag sa Balaang Espiritu alang niadtong mga nangayo Kanimi, alang niadtong mga nanagtuo Kanimi, ug alang niadtong mga nanagtuman Kanimi. Mao kini ang among tinguha. Palihog taposa dinhi sa among mga kinabuhi, kay dili kamo makahimo sa among kaugalingon. Salamat sa pagbobo sa Imong gugma dinhi sa among mga kasingkasing.*

### **Siya nagadapit kanato nga mapuno sa Espiritu.**

"Ug ayaw kamo pagkahubog ug bino, kay kana maoy pagpatuyang; kondili magpapuno hinoon kamog Espiritu" (Efeso 5:18).

*Pinalanggan Amahan, tudloi kamo sa pagpangayo sa mapinadayonan ug sa masublion alang sa pagbobo sa Balaang Espiritu. Dili kami buot makulangan sa Espiritu sama sa mga buangbuang nga mga olay nga babaye. Pun-a kami sa kaalam nga makaplagan diha sa Imong Pulong.*

## **Dugang nga mga Hangyo sa Pag-ampo**

**Mga Pasalamat ug Pagdayeg:** Paghatag og mga pasalamat alang sa mga tino nga panalangin ug dayga ang Dios tungod sa Iyng kamaayo.

**Kompisal:** Paggahin og pipila ka mga minutos alang sa pribado nga kompisal ug pasalamat ang Dios tungod sa Iyang pagpasaylo.

**Giya:** Hangyog ang Dios sa paghatag og kaalam alang sa mga hagit karon ug sa mga desisyon.

**Atong Iglesia:** Hangyog ang Dios sa pagpanalangin sa mga pangabudlay sa atong iglesia sa lokal, rehiyon, ug sa tibuok kalibutan.

**Lokal nga mga Hangyo:** Iampo ang mga panginahanglanon karon sa atong mga membro sa iglesia, panimalay, ug mga silingan.

**Pamati ug Responde:** Paggahin og panahon sa pagpamati sa tingog sa Dios ug responde diha sa pagdayeg og awit.

## Mga Sugyot nga Awit

*SDA Hymnal:* Standing on the Promises (#518); Wonderful Words of Life (#286); Give Me the Bible (#272); Great Is Thy Faithfulness (#100). *Other Songs:* Ancient Words; Psalm 19 Song.